

適園叢書

張宗祥



通國書舍



張氏藏

汪氏珊瑚網名畫題跋卷二十

宋徽廟題院畫冊

修竹士女

瑤臺無信託青鸞一寸芳心思萬端莫向春風倚修竹翠衫
經得幾多寒

荷花士女

消受南薰一味涼藕絲新織舞裙長臨池試展淩波步只恐
紅蓮妬豔妝

芭蕉士女

羅襪生香蹋軟沙釵橫玉燕鬢鬆鴉春心正是芭蕉葉羞見
宜男並蒂花

詞譜卷一百一十五
滌硯士女

軟繡屏風小象牀
細風亭館玉肌涼
含情學寫鴛鴦字
墨洗蕉花露水香

團扇士女

濃黛消香澹雨蛾
花陰試步學凌波
專房自得傾城色
不怕涼風到扇羅

思陵題馬遠畫冊

桃李無言春告歸
落紅如海亂鶯啼
西村渡口斜陽裏
渺渺煙波綠拍隄
閒來洞口訪劉君
緩步輕搖玉線裙
細白桃花擲流水
更無言語倚彤雲

高山流水意無窮三尺雲絃膝上桐點點此時誰會得坐凭
江閣看飛鴻

月午山空桂花落華陽道士雲衣薄石壇香散步虛聲杉雲
清冷滴栖鶴

不禱自安緣壽骨人間難得是清名淺斟仙酒紅生頰永保
長生道自成

是畫竹下有冠者道士持酒杯侍以二童一鶴煙泉
之間賜王都提舉爲壽上有辛巳長印下有御書之

璽

唐寅識

思陵題畫冊花艸四幀

臘梅

香蜜裁葩分外工疏枝幾點綴雛蜂嬌黃染就宮妝樣香暖
尤宜愛日烘

修竹芙蓉

寒花婀娜露凝香風葉搖秋鳳尾涼夢入畫堂銀燭下翠屏
深處隱紅妝

墨竹

墨花垂兔穎千古尙離離翠羽風前葉秋聲雨一枝詩題春
粉節翩脫玉嬰兒湘浦人何在空聞鳳管吹

雪中山茶

名出本南山來依瓊苑閒陳主歌前樹楊妃醉後顏爲嫌脂
太赤故著粉微斑共言攀折處已獲寶枝還

思陵題趙伯駒團扇月宮圖冊

清涼境界火雲藏但覺仙家日更長千載壽松誰宴坐星君
午夜吐光芒

賜王都提舉

又題李唐畫冊

月團初碾瀾花甌啜罷呼兒課楚辭風定小軒無落葉青蟲
相對吐秋絲

又題馬遠畫冊

已過穀雨十六日猶見牡丹開淺紅曾不爭先開及早能陪
芍藥到薰風

趙松雪山水二冊

子昂二字款

陸堇有山陰高會圖吳興此小景是臨陸堇者吾松

朱象玄司成家物

其昌觀

錢玉潭仇書圖冊

兩兩挾策遊康衢聚戲不異同豚魚忽然兒態起爭競捐棄

篋笥仇詩書

吳興錢選舜舉畫并題

吳仲圭山水

古藤陰陰抱寒玉時向晴窗伴吾獨青青不改四時容絕勝

凌霄倚几木

梅花道人戲作并題

又漁父圖冊

三詩不在前卷內

紅葉村西夕照餘黃蘆灘畔月痕初輕撥棹且歸與挂起漁

竿不釣魚

點點青山照水光飛飛寒雁背人忙衝小浦轉橫塘蘆花兩

岸一朝雙

醉倚漁舟獨釣鼇等閒入海卽乘潮從浪擺任風飄束手懷

中放卻橈

梅老戲筆

梅花道人畫師巨然多以船子和尙川撥棹詩題之
吳門王文恪公家藏其漁樂圖入妙品本與盛子昭
比門而居四方以金帛求子昭畫者甚眾而仲圭之
門闐然妻子頗笑之仲圭曰二十年後不復爾果如
其言盛雖工實有筆墨畦徑非若仲圭之蒼蒼莽莽
有林下風氣所謂氣韻非耶

玄宰題

盛懋谿山拽杖圖

冊二幀

積水潛通渭連村不近城青雲浮野潤春氣與人清鷺響出

幽谷琴歌非遠征客心在三益山木向人鳴
雲莊吳炳

子昭停舟觀雁圖

秋色澹江濱晴林風木凋遠村雲際擁孤島
沼中搖雁影雙翻水漁歌半倚潮停撓正回
首霜信晚迢迢
雲莊吳炳

曹真素疏林寒色冊

嘉定乙丑十月雲西曹知白

晴窗偶閱雲西畫今昔相殊感慨多桃李上
陽春寂寞何如

古木老巖阿

子輿

鐵石根柯螭虬資質風雲忽來變化莫測
志古齋

雲西山水師馮觀亦似郭河陽家資富盛而
文采有餘嘗築臺以銀塗之名瑤臺夜月攜
客痛飲倪王諸

名士時爲下榻以書畫相賞

世賢子

雲林春山過板冊

款云延陵倪瓚壬子春

狂風二月獨憑欄
青海微茫煙霧閒
酒伴提魚來就煮
騎曹問馬只看山
汀花岸柳渾無賴
飛鳥孤雲相與還
對此持杯竟須飲
也知春物易闌珊

自題

倪迂今已矣真迹在人閒
無限天然趣白雲滿遠山

楊士奇題

凝霞閣舊藏畫冊

愛荆居士鑒定

東坡書

李世南畫

野水參差落漲痕
疏林敲倒出霜根
扁舟一棹歸何處
家在

江南黃葉村

希哲題小米雲山

襄陽松藩未曾乾十里瀟湘五尺寬樵徑不禁苔露滑漁蓑
長帶水雲寒澄澄僧眼連天碧澹澹蛾眉隔露看恐爲醉翁
當日寫平山堂上雨中觀

靜學題崔白鷺

雨後菰蒲翠色分水邊野雁已離羣杜陵對酒吟詩愛更憶
山陰贈右軍

仲賓曾使交趾故云

石根天矯出寒梢明月空山舞翠蛟散作江湖黑風雨曾隨
海浪過南交

大德二年春巴西鄧文原題於寓意齋

帝子不沈湘亭亭絕世妝曉煙橫薄袂秋瀨韻明璫洛浦應
求友姚家合讓王殷勤歸水部雅意在分香

錢選

右題自畫水仙

罷散天花下紫壇露橫秋袂水鳴環淩波欲接君王去又恐
繁霜不耐寒

八斗才華畫洛神翠羅輕颺轡尖塵雪谿老子真能事更比
陳王寫得親

允明

吳興公歸去來圖

勇決端爲士論怡青松黃菊是歸時心中惟有方寸赤巾下
可無雙髻垂

句曲外史題

柯丹丘山水

木葉蕭蕭半欲空
竹竿嫋嫋不成叢
絕憐意匠經營處
都在風煙慘澹中

王紱

黃鶴不得意來棲
珠樹中仙嶠隱光
輝萬里天氣空

東海徐憲

聞有風輪持世界
可無筆力走山川
巒容盡作飛來勢
丈室居然擲大千

吳鎮

滄洲老樹碧山前
秋水茫茫一釣船
昔日畫師非俗士
東菑莊子在藍田

雲東逸史題仲圭畫

有竹之地人不俗
而況軒窗對竹開
誰謂墨奴能倒景
一枝獨上紙屏來

梅道人自題竹枝

淇園一枝春雨足
渭川千畝秋風高
先生青眼對君子
撚落

吟髭如鳳毛

允明題前冊

澹墨淋漓粉節香清風彷彿見瀟湘一般紅杏沾恩澤別有
濃陰蓋艸堂

徵仲和詹仲和題梅道人竹冊

湖州逸法共東坡友石于今不可過一段天機眞假際詹公
妙手卽詹何

枝山和詹仲和題梅道人竹冊

樹欲化龍先帶雨泉將歸海已如濤直恐化人移幻境莫誇
墨瀋與霜毫

祝允明題仲圭書冊

湖州昔在陵州日日逢人寫竹枝一段枯梢三作折分明
雪後上窗時

顧阿英題竹冊

林木森森枝葉交小亭寂寂似書巢手中一卷羲皇易讀到
先天第幾爻

京兆杜瓊題陸天游畫冊

石徑過雲棲鶴冷松堂留客煮茶香

瓚題白畫

誰劖巖巖華嶽根幽奇又有竹成文忽呼米老拜石丈更喚

坡翁友墨君

海漁題王叔明竹石

西門春如東門春九山鳳凰刺眼新黃嬾人家花似錦白衣
參府酒如銀

廉夫題畫

花下拋書枕石眠起來閒漱竹閒泉紙窗石鼎灰猶暖殘燼
時飄一縷煙

元僧覺隱題白畫

野市騎驢久涼風席帽人逍遙甘避地不肯問通津

豔愛江南楊補之每將尺素寫冰姿暗香疏影渾如舊遮莫

高樓玉笛吹

曲江錢惟善題元人畫梅

老樹重開雪裏花倚風臨水見橫斜馬嘶蹋徧西湖路誰識

林逋處士家

陋齋題前冊

江閣披風受暑降蓮歌隔水送新腔小姬且莫遮團扇老我
懸眸正倚窗

海昌逸叟費昌題元人畫

縹緲霞衣玉女裁佩搖華月下仙臺庭闌白是陽和早歲晚
碧桃千樹開

元人題仙女圖

山中老樹秋還青山下漁舟泊淺汀一笛月明人不識自家
吹與自家聽

元人題漁笛圖

竹樹色依稀蒼蒼擁翠微枝頭應帶潤疑是泣湘妃

元人自題畫古木竹石

古木昂藏怪石旁湘筠幾個色蒼蒼歲寒自守冰霜操絕勝
春花鬪豔陽

尋樂題前冊